



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### კვალიაშვილი ვაჟა რომანის ძე



ვ. კვალიაშვილი

კვალიაშვილი ვაჟა რომანის ძე (დ. 29. VIII. 1936, გორი), მეხილე-მევენახე, სელექციონერი. საქართველო. სოფ. მეურნ. მეცნ. აკადემიის ნამდვ. წევრი (2013; წ.-კორ. 2003). სოფ. მეურნ. მეცნ. დოქტორი (2002), მოსკოვის მევენახეობისა და მეღვინეობის საერთაშ. აკადემიის (2006) და საქართველო. ბიზნესის მეცნ. აკადემიის (2009) ნამდვ. წევრი. 1959 დაამთავრა საქართველო. სას.-სამ. ინ-ტის მევენახეობის და მეხილეობა-მებოსტნეობის ფაკ-ტი. 1960-66 იყო მებაღეობის, მევენახეობისა და მეღვინეობის ინ-ტის ხიდისთავის (გორის რ-ნი) ექსპერ. ბაზის გამგე, 1966-70 - სკრის საცდელი სადგურის მევენახეობის განყ-ბის გამგე, 1971-73 - გორის რ-ნის მთ. აგრონომი, 1973-77 - ამავე რ-ნის აღმასკომის თავ-რე, 1977-83 - კასპის რაიკომის

მდივანი, 1980-85 - საქართველო. უმაღლესი საბჭოს დეპუტატი, 1983-2006 - საქართველო. მებაღეობის, მევენახეობისა და მეღვინეობის სამეცნ.- კვლ. ინ-ტის დირექტორის მოადგილე სამეცნ. ნაწილში, 1989-91 - ამავე ინ-ტის ციტო-გენეტიკის განყ-ბის გამგე, 1990-95 - სკრის საცდელი სადგურის დირექტორი, 2004-07 - სოფ. მეურნ. მეცნ. აკად. მემცენარეობის განყ-ბის მრავალწლიანი კულტურების სექციის თავ-რე, 2005-იდან - მებაღეობის საერთაშ. სამეცნ. საბ-ბის წევრი. 2006-11 მუშაობდა მებაღეობის, მევენახეობისა და მეღვინეობის სამეცნ.-კვლ. ინ-ტის ვაზისა და ხეხილის გენოფონდის კვლევისა და გენეტიკა-სელექციის განყ-ბაში მთ. მეცნიერ თანამშრომლად. 2011-12 საქართველო. აგრ. უნ-ტის, ხოლო 2017-იდან სოფ. მეურნ. მეცნ. აკადემიის ექსპერტია მეხილეობის დარგში.

კ-მ სელექციონერ ვ. ბესტავაშვილთან ერთად გამოიყვანა ატმისა (ვაჟური, მარია ჯორჯანა, წედისური – თეთრი, ყვითელი, წითელი, გორის ყვითელი და სხვ.) და ყურძნის ახ. ჯიშები. ნუგურა და ატენური ყვითელი წარმატებით იწერება ფერმერულ მეურნეობებში. 2005–08 გამოიყო ატმის 5 ახ. სახეობა: ალექსანდრეს იუბილე, ლალეა, ყვითელი საკონსერვო, ალმურა, იუბილე 60, რ-ებიც მაღალხარისხოვან პროდუქციას იძლევიან. ყურძნის ჯიშებიდან აღსანიშნავია ბესტავაშვილის თეთრა და გორული თეთრი.

კ. ავტორია მრავალი სამეცნ. ნაშრომისა (აქედან 3 გამოგონებაა), მიღებული აქვს სახელმწ. ჯილდოები, მ. შ. აკად. ნ. ი. ვავილოვის მედალი (1987).

თბზ.: ხეხილის მოვლა-მოყვანის თანამედროვე ტექნოლოგიები (აგრონესები), თბ., 2016 (თანაავტ.: გ. ალექსიძე, გ. ბადრიშვილი).

---